

# Faaloloto Lou Malamalama i le Tautoga ma le Feagaiga o le Perisitua

## Faapaiaina e le Agaga i le faafouina o le tino (tagai fuaiupu 33)

I le saunoa ai e uiga i le folafolaga a le Tama Faalelagi, sa faamalamalama mai ai e Peresitene Henry B. Eyring o le Au Peresitene Sili:



Ua ou vaaia le faataunuuna o lena folafolaga i lo'u lava olaga faapea ma olaga o isi. Sa auauna se tasi o a'u uo o se peresitene o le misiona. Na ia tau mai ia te au faapea i le faaiuga o aso taitasi a o ia auauna atu sa toetoe a le mafai ona ia oo atu i le fogafale i luga i lona moega i le po ma mafaufau pe na te toe maua le malosi e feagai ai ma le isi aso. Ona oo lea i le taeao, sa ia iloa le toefuataiina o lona malosi ma lona lototele. Ua e vaaia i olaga o perofeta matutua o e na foliga mai ua faafouina i taimi taitasi uma e tutulai atu ai e molimau atu i le Alii o Iesu Keriso ma le talalelei toefuataiina. O se folafolaga leni mo i latou o e agai i luma ma le faatuatua i la latou auaunaga i le perisitua. (Peresitene Henry B. Eyring, "Faatuatua ma le Tautoga ma le Feagaiga o le Perisitua," *Liahona*, Me 2008, 62)

## Ia faamaoni i le mauaina o le Perisitua Arona ma le Perisitua Mekisateko (tagai fuaiupu 33)

Ina ia faamaoni i le mauaina o "nei perisitua e lua" (Mataupu Faavae ma Feagaiga 84:33) e aofia ai le mauaina o le mana ma faamanuiaga e maua mai le mauaina o sauniga o le Perisitua Arona ma le Mekisateko ma tausia faamaoni ia feagaiga e o faatasi ai. Na aoao mai e le Perofeta o Iosefa Samita e faapea e maua e se tagata le atoaga o le perisitua "e ala i le tausia o poloaiga uma ma le usitaia o sauniga uma o le maota o le Alii" (*Aoaoga a Peresitene o le Ekalesia: Iosefa Samita* [2007], 419).

Mo alii, o leni foi mea e aofia ai le faaee atu o le perisitua i o latou luga ma faauuina i tofi o le perisitua.

## Faalautele o tatou valaauga (fuaiupu 33)

Mataupu Faavae ma Feagaiga 58:27–28; 107:99–100

## O avanoa e maua ai valaauga ma auai i le galuega a le Alii o le faaolataga

Na aoao mai Peresitene M. Russell Ballard o le Korama o Aposetolo e Toasefululua:



A o tatou galulue e faalautele o tatou valaauga, e tatau ona tatou sailia musumusuga a le Agaga e foia faafitauli i auala o le a sili ona fesoasoani ai i tagata tatou te auauna atu i ai. E i ai a tatou tusitaulima o faatonuga, ma e tatau ona mulimulitaia o latou taiala. Ae i totonu o lena auivi o loo i ai ni avanoa tetele e mafaufau ai, e fatufatu ai, ma faaaoga ai taleni taitasi. O le faatonuga e faalautele o tatou valaauga e le o se poloaiga e faamalosi ma faafaigata i latou. O le faalauiloa e le faapea o le faalauteleina; o le tele lava o taimi o lona uiga o le faafaigofie. (M. Russell Ballard, "Ia Faautauta Lava," *Liahona*, Nov. 2006, 19)

## O mea uma o i ai i le Tama Faalelagi (tagai i le fuaiupu 38)

Mataupu Faavae ma Feagaiga 76:55–60; 81:6

## Na faasoa mai Elder Ronald A. Rasband o le Korama a Aposetolo e Toasefululua:



Ina ia iloa o loo i ai so tatou Tama i le Lagi ma o Iesu Keriso o Lona Alo e Toatasi o lona uiga o loo tatou vaavaai mamao atu i le ala o feagaiga nai lo le mea tonu o loo tatou tutu ai i aso nei. O lona uiga tatou te talisapaia i tatou o suli i mea uma ua i ai i le Tama; o malo e le mafaitaulia o Lona malo ma e mafai ona avea ma o tatou malo. Sa folafola le Faaola, "Afai e te faamaoni e oo i le iuga o le a e maua se pale o le ola pea, ma le ola e faavavau i maota ua Ou saunia i le fale o lo'u Tamã." (Ronald A. Rasband, "The Divine Destiny of His Daughters" [BYU Women's Conference, Ape. 30, 2021], [broadcasts.ChurchofJesusChrist.org](https://broadcasts.ChurchofJesusChrist.org))